

दे॒वा॒व्यं य॒ज्ञस्या॒युषे गृ॒ह्णामी॒त्येवा॒हावाक॒यिन्द्रा॒ग्नीषु हि त॒स्मै स्तु॒वत॒ऽऐन्द्रा॒ग्नीर॒-  
 नु॒शा॒ऽसत्यैन्द्रा॒ग्न्या य॒ज्ञतीन्द्रा॒य त्वे॒त्येव मा॒ध्यन्दि॒ने स॒वन॒ऽऐन्द्र॒ऽ हि मा॒ध्यन्दि॒न॒ऽ  
 स॒वनम् ॥ १४ ॥ त॒डु ह च॒रका॒धर्य॒वो वि॒गृह्ण॒न्ति । उप॒याम॒गृही॒तो॒ऽसि दे॒वेभ्य॒स्त्वा  
 दे॒वा॒व्यमु॒कथे॒भ्य उ॒कथा॒व्यं मि॒त्राव॒रुणा॒भ्यां जु॒ष्टं गृ॒ह्णाम्ये॒ष ते यो॒निर्मि॒त्राव॒रुणा॒भ्यां  
 त्वेति सा॒दय॒ति पु॒नर्ह॒विर॒सीति॒ स्थाली॒मभि॒मृश॒ति ॥ १५ ॥ उप॒याम॒गृही॒तो॒ऽसि ।  
 दे॒वेभ्य॒स्त्वा दे॒वा॒व्यमु॒कथे॒भ्य उ॒कथा॒व्यमिन्द्रा॒य जु॒ष्टं गृ॒ह्णाम्ये॒ष ते यो॒निरिन्द्रा॒य त्वेति  
 सा॒दय॒ति पु॒नर्ह॒विर॒सीति॒ स्थाली॒मभि॒मृश॒ति ॥ १६ ॥ उप॒याम॒गृही॒तो॒ऽसि । दे॒वे॒-  
 भ्य॒स्त्वा दे॒वा॒व्यमु॒कथे॒भ्य उ॒कथा॒व्यमिन्द्रा॒ग्निभ्यां जु॒ष्टं गृ॒ह्णाम्ये॒ष ते यो॒निरिन्द्रा॒ग्निभ्यां  
 त्वेति सा॒दय॒ति ना॒त्र पु॒नर्ह॒विर॒सीति॒ स्थाली॒मभि॒मृश॒तीन्द्रा॒य त्वेन्द्रा॒य त्वे॒त्येव मा॒-  
 ध्यन्दि॒ने स॒वन॒ऽऐन्द्र॒ऽ हि मा॒ध्यन्दि॒न॒ऽ स॒वनं द्वि॒र्ह पु॒नर्ह॒विर॒सीति॒ स्थाली॒मभि॒-  
 मृश॒ति तू॒क्ष्णीं तृ॒तीयं नि॒दधा॒ति ॥ १७ ॥ तं वै नो॒पयामे॒न गृ॒ह्णीयात् । न यो॒नौ  
 सा॒दये॒द्ये ह्ये॒वैष उप॒यामे॒न गृ॒हीतो भ॒वत्य॒ग्रे यो॒नौ सन्नो॒ऽज्ञा॒मित॒यै जा॒मि ह  
 कुर्या॒द्यदे॒नम॒त्राप्यु॒पयामे॒न गृ॒ह्णीया॒द्यद्यो॒नौ सा॒दये॒द्य यत्पु॒नर्ह॒विर॒सीति॒ स्थाली॒म॒-  
 भि॒मृश॒ति पु॒नर्ह्यस्यै॒ ग्र॒हं ग्र॒हो॒ष्यन्भ॒वति न तदा॒द्रिये॒त तू॒क्ष्णीमे॒व नि॒दध्यात् ॥ १८ ॥  
 ब्रा॒ह्मणम् ॥ २ [२. ३.] ॥

अ॒य॒ऽ ह वा॒ऽअस्यै॒ष प्रा॒णः । यो॒ऽयं पु॒रस्ता॒त्स वै वै॒श्वान॒र ए॒वाथ यो॒ऽयं प॒-  
 श्चा॒त्स ध्रु॒वस्तौ ह स्मै॒तौ द्वा॒वेवा॒ग्रे ग्र॒हौ गृ॒ह्णन्ति ध्रु॒ववै॒श्वान॒रावि॒ति तयो॒रय॒म॒ग्रे॒-  
 तर्ह्य॒न्यतर॒ ए॒व गृ॒ह्यते ध्रु॒व ए॒व स यदि तं च॒रके॒भ्यो वा य॒तो वा॒नुब्रु॒वीत य॒ज्ञ॒-  
 मान॒स्य तं च॒मसे॒ऽवनये॒द्यैतमे॒व हो॒तृच॒मसे ॥ १ ॥ यद्वा॒ऽअस्या॒वाची॒नं ना॒भिः ।  
 तद॒स्यैष आ॒त्मनः॒ सो॒ऽस्यैष आ॒युरे॒व तस्मा॒दन॒या गृ॒ह्णात्य॒स्यै हि स्थाली भ॒वति  
 स्थाल्या॒ ह्ये॒नं गृ॒ह्णात्य॒ज्ञा॒ ह्ये॒नम॒मृता॒ज्ञा॒ ह्यमृ॒तमा॒युस्तस्मा॒दन॒या गृ॒ह्णाति ॥ २ ॥  
 तं वै पूर्णं गृ॒ह्णाति । स॒र्वं वै तद्य॒त्पूर्णं स॒र्वं तद्य॒दायु॒स्तस्मा॒त्पूर्णं गृ॒ह्णाति ॥ ३ ॥